

世間所尊王為上 一切眾流海為上

諸星宿中月為上 諸耀之中日為上

上下四維及天等 供養世尊最為上

亦時世尊為訖栗枳王說其妙法示教利喜

已便即而去時訖栗枳王便以種種諸供養

具隨送世尊出聚落已頂禮雙足遶佛三匝

却還本宮命一使者令送五百乘車各載粳

米付與陶師當報喜護此五百車所載粳米

當用供養汝盲父母及迦攝波如來是時使

者既奉王教將米付與即宣王命此五百車

所載粳米當用供養汝盲父母并時時供養

迦攝波佛時彼喜護見王米來報使者曰王

多事務我不敢受佛告諸苾芻勿生異念摩

納婆者即我身是由我往昔謗迦攝波佛得

正覺名要須苦行彼不勤苦如何能得正等

覺耶由惡謗故令我報行六年受苦汝等苾

芻應知業報必須自受廣說如前乃至如是

汝當修學

繫說一切有部毗奈耶破僧事卷第十一

根本說一切有部毗奈耶破僧事卷第十二

大唐三藏法師義淨奉 制譯

佛在室羅伐城若彼菩薩踰城出外當尔之

時耶輸陀羅即便有娠菩薩六年苦行耶輸

陀羅於王宮中亦修苦行由是因緣胎便隱

腹是時菩薩知苦行事無有利益即便隨意

氣息長舒遂滄美食粳米雜飯飽食資身以

油塗體温湯澡浴耶輸陀羅聞是事已宮中

亦復放縱身心事同菩薩由斯快樂胎遂增

長其腹漸大釋氏聞已笑而譏曰菩薩出家

極修苦行汝於宮內私涉餘人致使懷娠腹

便增大耶輸陀羅聞而誓曰我無此過未久

之間便誕一息當此之時羅怛羅執持明月

集諸眷屬慶喜設會請與立字諸眷屬等共

相議曰此所誕子初生之時羅怛羅手執於

月應與此兒名羅怛羅時諸釋種共相議曰

此非菩薩之子耶輸陀羅聞此語已即便啼

突抱羅怛羅自為盟誓以羅怛羅置於菩薩

昔在宮中解勞石上擲置菩薩洗浴池中而發誓言此兒若是菩薩之胤入水便浮必若是虛乘當沉沒作是言已其羅怛羅與石俱浮不沉於下耶輸陀羅復告之曰宜從此岸至於彼岸還可復來隨意便至衆人見之咸生希有母復持兒作如是念若佛世尊六年

苦行成覺之後更住六年滿十二歲重還於此我令諸人自驗虛實尔時世尊後時還至劫比羅城一日食在王家一日食在宮內時耶輸陀羅作如是念頗有方便能令世尊隨我所欲時此城中有一外道女善解術法能令男子愛樂女人耶輸陀羅寄與五百金錢

遣使報曰汝作術法附來與我彼女即便將一相愛藥丸寄與宮內其母得已便將藥丸對諸宮人置羅怛羅手中作如是語兒將此藥持與汝父佛具一切智先能了達知耶輸陀羅生羅怛羅招世惡謗此之誅毀今日當除世尊知已化爲五百世尊佛形一等時羅

怛羅持藥巡行雖歷多佛並皆不奉既至世尊所遂即與藥佛爲納受已却付羅怛羅時子得已遂即服之佛知食已便爲呪願從坐而去時羅怛羅隨佛而行諸姝女等不放出宮時羅怛羅啼哭悲惱願隨佛去世尊去已作如是念知羅怛羅不受後有當證聖果不

肯居俗世尊知已遂即將行時羅怛羅宿緣所感於五百佛能識世尊不肯捨離時淨飯王宮人眷屬及諸釋種見此希奇敬重耶輸知其昔日枉被招謗今滅惡名生歡喜心尔時世尊到本處已欲度羅怛羅淨飯王聞已詣世尊所頂禮佛足作如是語世尊若必度

羅怛羅當乞一日我申供養世尊隨請聽將供養時淨飯王爲羅怛羅廣設大會并嚴高座供養羅怛羅至第二日共羅怛羅往詣佛所禮世尊已作如是言大德任將羅怛羅出家尔時世尊告舍利子曰此羅怛羅汝今將去與如法出家時舍利子受佛教已便與羅

怙羅如法出家時諸苾芻咸皆有疑請出尊  
曰以何因緣童子羅怙羅於大眾中躬持藥  
丸於五百佛所而識世尊佛告諸苾芻曰此  
羅怙羅非獨今生而識於我曾於過去無量  
劫中在大眾中嚴以花鬘與吾相識汝等諦  
聽當為汝說曾於過去於聚落中有一長者

取隣人長者女納以為妻未經多時遂即有  
娠便誕一子復告妻曰今有此子食用我財  
亦能為我等還債我今將諸財物入海與易  
汝可在後若看此兒好知家事妻答夫曰一  
依所教長者入海遇風船破并諸財物沒溺  
不廻妻聞夫死持孝修福復自傭力并諸眷

途三

三

屬各相拯濟養活於兒漸令長大於其舍側  
有善織師以彼功巧自得存活彼長者妻見  
已即作是念入海與易不如織絡功巧為業  
其入海者多死不還夫織絡者常得居家經  
求自濟復作是念今我此子令學織業思惟  
是已即將其子往詣織家白織師言大兄此

甥甥教為織業織師答曰好留子教織其子  
聰敏不久學成每與織師並機織所得財  
利將歸本家所得物歸用常不足織師所得  
恣意有餘甥甥問舅我今與舅同作一業何  
故舅室恒得充饒而我家中每不支濟舅報  
甥甥我作二業汝即為一甥甥問舅第二業

何彼便報曰我夜竊盜甥甥白言我亦隨盜  
舅即報曰汝不能盜答曰我甚能作舅作是  
念我且先試作是念已便共向市舅買一兔  
使令料理我暫洗浴即來當食彼料理已舅  
未至間便食一脚舅洗浴廻問其甥甥料理  
竟不答曰已了舅曰料理既竟將來我看甥

甥擊兔過與其舅舅見其兔遂少一脚問甥  
甥曰兔第四脚今在何處甥甥報曰其兔本  
來有此三脚云何問我索第四脚耶舅作是  
念我先是賊今此甥甥大賊勝我即將其兔  
共入酒家舅安坐已即喚甥甥共坐飲已即  
令甥甥計筭酒價甥甥報曰若人飲酒可使

令弄我本不飲何論弄耶舅今自飲舅當自  
弄舅作是念我先是賊今此甥甥大賊勝我  
若共同本亦堪作賊即與甥甥於夜分中穿  
他牆壁擬盜財物既穿孔已其舅即先將頭  
入孔中甥甥告曰舅不閑盜法如何先以已  
頭入於孔中此事不善應先以脚入孔若先

以頭入被他割頭眾人共譏禍及一族今應  
先以脚入舅聞是已便以脚入財主既覺便  
即唱賊眾人聞聲即共於內孔中捉其賊脚  
尔時甥甥復於孔外挽出其舅力既不禁恐  
禍及己即截其頭持已而走於時羣臣奏王  
此事王告羣臣截頭去者最是大賊汝可將

彼賊屍置四衢中密加窺覘或有悲泣將屍  
去者此是彼賊便可捉取羣臣奉命即將死  
屍如王設法彼賊甥甥便思念云我今不應  
直抱舅屍恐眾人識我我應佯狂於諸四衢  
或抱男女或抱樹石或抱牛馬或抱猪狗作  
是念已便行其事時世間人既見其入處處

抱物咸知是狂然賊甥甥始抱其舅盡哀悲  
泣便即而去羣臣奏王皆曰守屍唯一狂人  
抱屍哀泣而去更無餘人王便告曰彼是狗  
賊如何不捉今可捕取尔時彼賊復作是念  
我今如何不葬我舅我必須葬便作一駕車  
人滿著柴束駟至屍上速解牛絡放火烧車

便走而去當尔之時車柴之火燒屍遂盡守  
屍之人尋奏王曰彼賊屍者今已燒盡王問  
彼曰誰燒賊屍臣具上事王曰汝等當知彼  
駕車人即是狗賊云何不捉今可捕取尔時  
彼賊復作是念我今要須於葬舅屍之處設  
諸祭祀念已便作淨行婆羅門形於國城內

通行乞食即以其食於燒屍處五處安置陰  
祭其舅作已便去時守屍人具以白王王曰  
彼是狗賊如何不捉甚為不善尔時彼賊復  
作是念我今要將舅骨投於彌伽河中作是  
念已便作一事觸骸外道形就彼骨所取其  
餘灰以塗其身收取燒骨於觸骸中安置投

涼伽河中作已便去彼守屍人復以奏王王曰彼是狗賊云何不捉甚為不善汝等宜止我自捉取尔時其王乘一汎舟前後侍從遊涼伽河中於河岸上置人守捉王先有女顏容端正眾人樂見同於河中遊戲令稍相遠報其女曰有人捉汝汝便高聲又勅守岸人

曰我女作聲汝等即須相近若見男子便捉取尔時狗賊復作是念今王與女遊戲河中我應要與彼女相共嬉戲作是念已即於上流而住放一瓦鍋隨流而下岸夫見已謂是於賊競持棒打瓦鍋便破乃知非賊第二第三亦復如是乃至十數時守岸人屢見瓦鍋

便捨不打尔時狗賊頭戴一鍋隨流而下至王女所上女舟中手執利刀告王女曰汝勿作聲若作聲者我當割汝王女怕懼不敢作聲因與戲會既戲會已便走而去女見賊去高聲啼泣作如是言彼賊強私我今已去訖守河岸人報王女曰汝嬉戲時默然歡樂賊

今既去乃始啼泣我等於今何處求賊守岸人等具以告王王曰汝等云何不善防守致令如是時彼王女被狗賊交遂便有胎具足十月誕生一子時彼狗賊聞王女生子復作念云我今必為我兒作諸喜慶作是念已即變其形為一給使從王內出告諸人曰王有

教令我女生子汝諸國人可於今夜恣意歡樂于盜衣服財帛任情而作時國羣臣及諸人眾聞是語已放情嬉戲其聲沸聞於王內王問諸人我諸國人云何喧鬧若是國人答曰我等先奉王教令我如是王聞是已知是狗賊所作便作是念我若捉此狗賊不得

我便捨去國位即設一計造一大堂堂既了已其兒年已六歲令諸羣臣擊鼓宣令盡喚國內所有男子盡入堂內有不來者捉獲殺之尔時國人盡來入堂時彼狗賊亦在其中時王即以花鬘告其兒曰汝持此鬘於彼眾中若見汝父以鬘與之復令傍人隨逐其兒

途二

六

與鬘汝便捉取尔時彼兒即持花鬘至於眾中  
中以業力故果見其父便以鬘與時彼傍人  
便捉鬘賊將至王所王集羣臣共議此事如  
此罪人云何處分可殺之耳王即思惟此是  
智賊云何殺之告羣臣曰此人勇猛兼有智  
慧可留侍衛便嫁與女以之爲妻仍以半國

給之佛告諸苾芻尔時拘賊則我身是時彼  
兒者則羅怛羅是由於昔時於人眾中能識  
我故今復於此眾中能識於我諸苾芻當知  
業力不可思議汝等應隨業行尔時耶輸陀  
羅作是念羅怛羅父若入宮時我應設諸方  
便承事供養令不出宮作是念已耶輸陀羅

與喬比迦彌離迦遮等六萬美人各各嚴飾  
種種莊具熏種種妙香皆悉辦訖尔時世尊  
於晨朝時著衣持鉢與諸苾芻圍遶侍衛爲  
調伏有情故入王宮內時耶輸陀羅等三夫  
人與六萬婁女作諸音樂伎歌憚整理衣  
服盡媚妖艷在世尊前欲令染著世尊見已

便作是念今者食時將至我若先食不爲此  
諸女說法恐調伏時過令諸女人欲心熾盛  
於四諦理不蒙利益我今應以神通力故令  
彼女等皆悉調伏作是念已即沒於地從東  
方空中而見於彼空中行住坐卧威儀自在  
復入火光三昧於其身中放諸青黃赤白種

七

七

種之光或復身上出水身下出火南西北方  
亦復如是於空中沒於諸苾芻上首即于座  
上忽然而見諸艷女等見斯事已皆於佛前  
倒地如斧破樹頂禮佛足在一面坐尔時世  
尊知諸女等性力意願以四諦理廣爲分別  
諸女聞已得預流果唯耶輸陀羅爲染心重  
故未獲於果便作如是心念口言我有滋味  
能令喫者心生愛著即作種種馨香美味諸  
飲食等自手執持而奉世尊作是念已諸苾  
芻皆聞以報世尊佛言諸苾芻當知我昔三  
毒未離之時諸有香味而無愛著何況今者  
三毒已離而能染我耶輸陀羅縱有食味我

無所懼時諸苾芻皆疑白佛言世尊何故耶  
輸陀羅因歡喜團於佛世尊生於染著佛言  
諸苾芻此耶輸陀羅非於今生欲因歡喜團  
而染著我曾於過去先有是事汝等諦聽往  
昔世時有一聚落去斯不遠有阿蘭若林多  
有花菓及清流美泉時有仙人喫彼花果身

披樹皮作此苦行證五神通所有禽獸不相  
恐懼常來親近後於一時欲往小便有一女  
鹿隨仙人行仙人小便失精鹿隨後便即喫  
之復以舌舐生門有情業力不思議故因即  
有胎日月既滿彼鹿來就本處生一男子鹿  
生此兒知是於人便棄而去時仙人見之作

是念云此是誰子復更思惟知是已兒遂收  
養之後漸長大至年十二頭生一角因與立  
字名為獨角其父染患獨角種種醫療不能  
得差其父漸困命將欲死告獨角曰我今此  
處常有諸山仙人數來過往汝可延接問訊  
若來供給花果為我願故說伽他曰

積聚皆消散

崇高必墮落

合會有別離

有命咸歸死

乃至仙人身歿彼獨角仙以仙之法為葬其  
父思戀父喪愁悲憂惱便證五通後於異時  
因往取水取得水已迴至中路遂逢天雨滌  
滑倒地水餅遂破掬破餅水置其掌中以口

卷二

八

呪向天遙散由汝雨下打破我餅從今已後  
十二年中勿更雨下由此仙呪力雨便不下  
婆羅痾斯城遭大亢旱人民饑饉迸散逃亡  
是時國王召諸占事問言何故天不降雨占  
事答曰仙人嘆故天不降雨王問占事作何  
方計天下甘雨百姓豐樂占事報言若也敗

仙戒行修道天即甘雨若不敗仙令犯戒行  
十二年中天終不雨時王聞已托頰思惟官  
人妃主及諸臣等見王憂惱即白王言何故  
憂惱王即報曰由仙呪力天不降雨乃至廣  
說義如上辯我今不知作何方計令彼仙人  
敗修戒行由斯憂惱是以不樂時彼國王有

一大女名曰寂淨即白王曰不須憂惱我設方計當令彼仙必敗戒行王問女曰有何方計女曰王言我學婆羅門呪法及餘姝女二十人等一處學法願王可於水上縛船安板著工栽樹種諸花果一依仙人所住之處我等乘船至彼仙所即能令仙敗修戒行引來

至此王聞是已即如女說縛船安板栽諸花莫並如上說遂於果中置盛藥酒及諸餘食並亦安藥於是寂靜并餘姝女假作仙儀形狀衣服著樹皮衣披髮散後共仙無異從船上下徐步詣仙口誦婆羅門呪法至仙人所被仙弟子遇見二十客仙來至即報仙師曰

金二

九

有諸客仙今來至此時獨角仙口念善來喚令入室是時諸仙既入室已時獨角仙細看諸仙顏色有異即說頌曰  
曾不經辛苦 行步復從容 面上不生髭  
眉前有高下 是仙形兒到 此事實希奇  
彼獨角仙雖有疑心亦為客仙敷坐處已及

設菓實寂靜仙曰汝所住止有如是等多苦澁菓我今住處有好菓實猶如甘露我今請汝至我住處時獨角仙即共相隨乘舟泛水於船樹上取其椰子諸菓實中盛厭媚藥酒奉獨角仙彼既飲已便報假仙共行非法由此媼染遂失神通戒行已虧呪力便息浮雲

四起獨角見已舉面罵天寂靜報言汝身為非尚不自覺何謂舉面由故怨天媼染既纏默然而住寂靜將徃直至王前白父王曰彼呪兩仙此人即是王見仙至喜不自勝雲布遍天便降甘雨百姓豐樂五穀滋榮爾時父王即嫁寂靜與仙為婦及諸美女亦賜駈馳

及至後時棄於王女便其餘女遂作私通寂靜見已心生嫉妬即共仙人甚相忿競舉脚蹴仙履打仙面仙作是念我於昔時天起雲雷由呪令息忽纏媼欲被女欺欺爾時仙人厭心欲染便捨寂靜精勤習定即證五通乘空而行還歸本處佛告諸苾芻昔時仙者即

我身是王女寂靜今耶輸陀羅是由昔食味  
貪著嬌情今者以歡喜團更欲厭著於我佛  
說此語已從宮而出耶輸陀羅既見佛知心  
便息念更不尋求即昇七重高樓不惜身命  
遂投於地佛以神力接不令損諸人既見不  
有傷損心生驚恠諸苾芻眾見便問佛此耶

輸陀羅為愛佛心故不惜身命投於高樓放  
身於地佛告諸苾芻耶輸陀羅為愛我心故  
不獨今生不惜身命過去亦復為我不惜身  
命告諸苾芻汝等諦聽往昔波羅泥斯城有  
王名曰梵授於一時間遂出遊獵廣殺眾生  
行至山谷見一緊那羅睡卧婦在傍邊而守

逾三

十

護之王遂張弓射緊那羅既著要處一箭便  
死捉得緊那羅婦欲取為妻時緊那羅婦尋  
白王曰唯願大王放我殯葬其夫待了即隨  
王去便作是念此豈能走者作其禮作此念  
已遂即放行時緊那羅婦遂積柴木四面放  
火夫婦俱燒諸天空中而說頌曰

欲求於此事 翻乃更遺餘  
本希音樂天 夫婦皆身死  
尔時世尊告苾芻曰往昔緊那羅者即我身  
是緊那羅婦者即耶輸陀羅是於往昔時為  
愛我故已投於火今為貪愛復墜高樓佛作  
是念若化耶輸陀羅者今正是時我宜令彼

出生死海作是念已為耶輸陀羅說四聖諦  
法彼既聞已以智慧金剛杵摧破二十種我  
見山峯悉皆摧滅證預流果發起信心從家  
趣非家策勤修習證阿羅漢果是時苾芻尼  
耶輸陀羅處於眾中心懷慙愧尔時世尊告  
諸苾芻曰我一切苾芻尼眾中耶輸陀羅苾

芻尼最具慙愧諸苾芻眾咸皆有疑復問世  
尊此耶輸陀羅苾芻尼作何業報六年懷羅  
怙羅尔時世尊告諸苾芻曰如上說乃為頌  
曰  
佛告諸苾芻往昔有村時有老母惟有一女  
多養乳牛每日作酪漿母女相隨巡村酷賣

逾三

十

後於一時其女負酪忽設矯心遂報母曰我欲見風願母持酪且漸前行母即取酪擔負而去其女乖愴諂誑心故雖於六里不赴其母由此業故耶輸陀羅今生招報六年懷胎佛告諸苾芻義如上說而說頌曰  
時諸苾芻復更有疑請問世尊此羅怛羅先

作何業今受此報六年處胎佛告諸苾芻羅怛羅自作惡業義如上說并及頌曰

尔時世尊復告諸苾芻此波羅痾城不遠時有一林多諸花菓有兄弟二人一名商佉二名里企多身著樹皮常食菓實及諸藥草商佉爲師里企多爲弟子時波羅痾斯國王及

諸人民知此林中有二修道人一名商佉二名里企多後於一時商佉平旦持滿餅水遊山採菓其里企多五更早起在兄前行入山不持餅水採得花菓於先到來渴乏須水向已餅中遂無水飲便取師水而用飲之既喫水竟更不與師添餅是時商佉日高後至乏

渴須水取已添餅覓水而飲見餅無水遂即瞋罵是何強賊偷却我水時里企多尋即報言我是其賊我用餅水唯願鄒波馱耶罰我重罪商佉報曰汝是我弟子須水任飲不與汝罪里企多白鄒波馱耶曰我是賊人願與重罪若如不與心不安寧商佉聞已遂大瞋

怒便即報言我今不能瞋汝與罪如索與罪汝向國王處而索重罪時里企多遂向王所至其中路逢王出獵舉手呪願唯願大王長命無病常戰得勝說伽他曰

大王我是賊 輒盜喫他水  
願王依賊法 賜我盜水罪

時王報曰縱輒取水亦不是賊王復問言汝取誰水時里企多廣如上事具報王已王便報曰既是汝兄又是鄒波馱耶雖輒飲水亦不是賊汝今好去不合與罪時里企多又白王曰我是賊人願與重罪如若不與心不安寧是時國王聞此語已便發瞋怒而即報言

卷二

十二

汝今此住更勿東西待我山遊迴來處分王去遊獵餘路還宮遂忘仙人不與進止經於六日是時仙人不敢東西諸臣白王彼仙奉教經於六日不敢東西唯願大王速與處分王便報言罰罪六日汝今無過今放汝去臣報仙人汝今六日已罰汝了今奉王勅任汝

東西里企多喜遂即歸佛告諸苾芻昔梵授王今羅怙羅是爲前生時起瞋心故不許東西乃經六日故今六年以業力故在母胎中諸苾芻若黑白業及雜染業咸悉有報諸苾芻應捨黑業及雜業修純白業時諸苾芻咸皆有疑復白佛言此具壽賢子

曾作何業今於上首釋種之中而爲國王佛告諸苾芻此具壽賢子自種福業乃至說伽他曰

佛告諸苾芻昔有貧人遊行人間至波羅痾斯城於其城中有諸貧人見此人來即生瞋恨競爭打蹋驅出城外彼城國王有一園林

其人既被驅逐投園林中且自居止時彼國王因春陽月此園林中花菓茂盛好鳥競集王與宮人姝女往園遊觀既空園中與諸姝女處處遊望嬉戲娛樂時彼國王疲乏而睡女人有常法若見花菓便生貪愛當尔時既見王睡各散林中採求花菓時彼國王從睡

途二

十三

覺起即還城中彼諸宮人見王還城各速隨逐時一宮人心即忙遽不覺身上遺其瓔珞宮人去後貧人見之私自念云我若取者或有尋知必相苦惱即取瓔珞懸於樹上心自念云本主若來隨意將去復遙觀之若非主取則不擬與彼之宮女既至宮中覺失瓔珞念在園中白其王言我緣忙遽遺忘瓔珞在彼園內時王即告羣臣我有珠瓔遺在園內可速覓之無令遺失臣奉王命將多手力散覓園中見於瓔珞繫在於樹衆共議言誰繫瓔珞在此樹上即令手力縱橫訪覓乃見貧人在一藁下問言汝見何人繫此瓔珞貧人

如上具報。爾時王臣即持瓔珞還宮。送王具陳上事。王聞此言。即遣使者追取貧人。貧人既至。王便告曰。汝先因何得我瓔珞。不持將去。繫於樹上。貧人答曰。大王當知。此是王之貴物。我先貧窮。不堪受用。王聞此語。甚大歡喜。告貧人曰。汝求何願。我當與汝。貧人答曰。

今此城中所有貧人。願王各施飲食。并賜衣服。并令我為上首。王聞此言。便告大臣。我國城中一切貧人。可施飲食。兼與衣服。仍令此人為其上首。大臣奉命於婆羅痾城。擊鼓宣告一切貧人。並令集會。既集會已。施與飲食。并諸衣服。宣示王命。令先貧人為其主領。所

有處分。咸可隨受。時諸貧人既得衣食。悉皆慶悅。遵奉為主。諸貧人等先在街衢。掣盜他食。食主嗔恨。常打罵之。後得王恩。轉增奪掣。國人懼王。不敢打罵。時國人即至王所。具論此事。王便報曰。汝等自可守護。勿打貧人。後於異時。城中有人於篋篋中盛諸餅食。其

上首貧人見已。便奪持之。奔走諸貧人等。競來隨逐。欲相掣奪。其貧人主走至河岸。又被逼逐。即戴餅篋。汎河而渡。到彼岸已。在一樹下。佛告諸苾芻。若佛如來未出世時。當有辟支佛出見於世。利益蒼生。因行而過。彼貧人見威儀。率序便自念云。由我先世不知戒施。

途二

而

不能供養此人。致令此身貧窮。孤露若彼。德人受我施者。我當施與。時辟支佛觀知其念。為利益故。持鉢向前。乞其餘食。貧人歡喜。盡持鉢食。而以奉施。辟支常法。口不說法。身現神通。以相利益。得其餅已。騰踊空中。現種種神變。諸異生等見此神變。速發善願。五體投地。猶如樹倒。便發大願。我今供養此聖人已。當令來世得為國王。於諸國中最為上首。我於今者。見辟支佛於當來世。願見如來。度生死海。發此願已。諸貧人等皆渡河。至咸索餅食。上首貧人報曰。我已施訖。汝等隨喜。諸貧人曰。汝施食已。發何願。上首報言。願我來世

於諸國中得為國王於諸國中最為上首諸人聞已咸皆發願上首既得國主我等願為最上臣佐佛告諸苾芻尔時上首貧人者今賢王釋子是諸貧人者今五百釋子是由彼賢子昔於辟支佛所發願施食故今得諸釋種中而為國王及見於我出家學道證阿羅

漢果汝諸苾芻當知造黑業得黑業報造雜業得雜業報造白業得白業報汝等應捨黑業及雜業染業修純白業

佛在那地迦村群蛇林中此時多有諸苾芻鉢及世尊鉢在於露地有一獼猴從娑羅林下來而取於鉢諸苾芻等即前打逐佛告諸

途二

五

苾芻汝等勿打任其所取不畏損壞時彼獼猴至於鉢傍即取佛鉢上娑羅樹須臾之間盛滿鉢蜜來供養佛蜜中有蜂如來不受時彼獼猴知如來心復持蜜鉢於一屏處擇其蜂已還來奉佛為未淨故佛又不受獼猴復知佛意持其蜜鉢至清流傍取水灑蜜還來

供養佛即便受時彼獼猴既見佛受其蜜心生歡喜合掌頂禮踊躍跳躑不顧前後因落井中遂即命過當即託生那地迦村清淨婆羅門家夫人胎中既託胎已緣福業故那地迦村界內天降蜜雨時諸人等問占相者此是何事占者報曰緣婆羅門婦胎中有兒業

力感故至十月滿生子之日復降蜜雨眷屬並集三七日中設食供養眷屬當問所生孩子為立何字家人答云其子懷時當降蜜雨生時亦尔父姓婆悉瑟吒因茲為名未度婆悉瑟吒此名最勝蜜兒漸漸長大因宿業力便生信心即往佛所佛為說法發心出家即

如法度既出家已日日自然感三鉢蜜一鉢供佛一鉢供養僧伽一鉢共親友食時諸大眾咸並生疑俱往白佛以何因緣此最勝蜜苾芻日日如有斯蜜應佛言此最勝蜜苾芻自作福業是故日日感斯蜜報廣說如上佛告苾芻汝等昔見有一獼猴從娑羅樹下

來以一鉢蜜供養我不必勸白佛言世尊我等昔見佛言彼獼猴者即此最勝蜜苾芻是也由前信心施蜜因緣獲斯報然此苾芻何但日能變三鉢蜜欲令四海恣成密者不足為難何以故由施佛蜜福增上故廣說如上應捨黑業及雜染業修純白業

途二

十六末

根本說一切有部毗奈耶破僧事卷第十二

根本說一切有部毗奈耶破僧事卷第十三

途三

大唐三藏法師義淨奉 制譯

佛在劫比羅城尼瞿陀園中當度五百釋子及鄔波離時諸苾芻咸皆有疑以緣白佛此鄔波離昔作何業為王剃仕今時佛告諸苾芻往昔國王有一剃頭人有辟支佛來立門

途三

一

前語彼人曰善男子與我剃頭當獲善果彼剃頭人有一外甥其舅告曰我為王使汝可於後當為此入如法而剃如國王一種時彼外甥聞舅是言即自思惟遣與此人如法剃頭必應多得功德作是念已即便諦念為辟支佛如法剃頭時辟支佛復思念云彼人與

我如法剃頭我當護助必令此人多獲利益時辟支佛作是念已即騰虛空變現種種神變彼人見已甚生希有合掌禮敬五體投地便發願云我今既與此人剃頭如國王相似願我來生於世世中常得與諸國王剃頭如我舅無異佛告諸苾芻彼外甥者今鄔波離是由於先世與辟支佛剃頭髮願故今與王為剃頭人

今時佛復告諸苾芻此鄔波離於先世時復有餘願我今說之汝等諦聽往昔村中有一長者取得一妻生於二男彼時國王有一剃頭人與此長者共為親友彼剃頭人甚有財